



跋經義雜記叙錄後

己未孟冬

維我高祖玉林公著書未刊四傳至先考不絕如縷
先考鑄藏遺稿甚固教不孝等讀書粗有知識始啟

篋校錄欲擇其要者付梓由是當世學者甫知有玉
林先生其人阮司農著先考傳論先考能守先緒啟
後學恭錄此傳以見我高祖之書之得傳也今經義
雜記三十卷汗青斯竟而不能起先考於九原一覩
之而生喜色也痛何如矣嘉慶四年歲次己未冬十
月朔孤子鏞堂泣識於傳後時在南海古藥洲

書劉端臨先生遺書後

庸於己酉唐成間從故翰林學士盧召弓遊始知端

臨先生時學士校禮經嘗就正焉先生亦於友朋間見庸說經之文相與讀而善之初見於江寧後往來鎮江靡不摳衣請益試質以心得則為之擊節歎賞或有不合必反覆引喻明其義而後已且恤其窮途調其困境飲食教誨十七年如一日也甲寅秋庸將往武昌先生曰畢制府已巡撫山東矣子行或先後不相值詹事府學使阮公吾鄉人且學友也子其謁之庸之辱知於雲臺先生自先生之書介紹始甲子

三月庸應順天鄉試舟過寶應先生居繼母鍾太安人憂謂曰糧船催趲上流堵截至濟寧舟益難行貽書河道王懷祖先生為子謀車馬甫可達因餽以贖偕弟建臨虞部步送河干距先生家五里許意若甚惜此行者再拜而後分袂孰知此行竟成永訣乎乙丑冬都中得段若膺先生書驚聞先生忽下世哭之哀蓋庸先一日猶寓書先生以亡弟和貴之孝行學業乞言於先生也庸纂輯漢儒經注若干種先生尤善鄭氏論語謂精覈過宋王伯厚許為撰序久而未成先生告庸欲作儀禮補疏今遺書中言儀者不盈

卷必未成之書虞部言當先生時已燬於火豈無別本抑又中失耶今雲臺先生續得先生經傳小記文集編定遺書凡八卷屬庸按字庸自都中歸已三年客夏又喪母雖受知於先生最深且久有不能已於一言者而亦未暇成員疚孰甚焉虞部言先生事繼母至孝嘗客他所忽心動驟歸而母病危甚迺悉心奉湯藥病旋愈其誠感無間所生如是今讀文集中華野先生行狀知先生之德盛禮恭夫固稟受於所生也嗚呼至矣因綴叙獲益之由於目錄後時嘉慶十三年歲次戊辰六月朔後學武進臧庸書於浙江

督學使院之補竹軒

跋長興滅氏宗譜

丙寅季夏

嘉慶丙寅夏六月庸來長興訪吾宗伯辰明經以手
輯譜稿見示簡核有法斷自明嘉靖贈工部郎中益
齋公爲始而追本於前五世仲和公謂以上不可考
所以傳信也述原始第一考獻第二系表第三系表
下第四科第考第五家傳第六藝文志第七又深辨
舊譜以劉宋諱質字含文者改名曰謨爲第二世當
南宋寶祐間以南齊諱榮緒者改爲字而創其名曰
綸爲始祖當南宋嘉定間乃緣字生文的係僞撰必
當削去自來爲誌銘傳表者皆承襲其誤庸深韙其

言舉此見譜牒家詭託遠胄名宗爲始祖者概未可信適成其自誣而已吾武進臧氏明季始可考始祖省三公諱肇元生萬厯間七傳而至庸舊譜既燬於江陰相傳爲自東莞遷吳興自吳興遷毘陵然無名字世次可考則仍信以傳信疑以傳疑矣今反復長興之譜亦無以證其分合之端也同懷弟和貴好學而性至孝嘗偕庸訂纂家譜客歲來長興與伯辰交假其譜讀之求武進宗派之所自庶能昌吾宗者詎年僅三十而卒今追踪芳躅識其交遊手澤如新墓有宿草歸而祥祭良深悲悼已嘉伯辰氏之善述而

不誣其先也識數語以歸之

跋桑閑居士傳

丙寅季夏

杭州陸君封五出示桑閑居傳乃陳眉公撰文董香光所書君高祖環溪先生之懿行也先生天性孝友少涉憂患幾無以自存幸至誠感神終能振拔既饒於財伯子以明經貢成均叔仲以文藝補諸生訖君之子若孫均以文學世其家則先生之紹緒遠矣撫兄遺孤二人俾成立護之如頭目課之如己子二子之言曰吾讀蔡中郎書邕早喪二親年踰三十鬢髮二色叔父視之親若幼童車則對坐食則比肩馬伏波一情不易鄧伯道更踰所生其我叔父之謂乎觀

二子之言而先生可知矣君出此卷屬題庸適有懷
亡弟和貴遂書此以歸之丙寅夏六月武進臧庸題
於長興館舍

書銀河棹校本後

丁巳孟夏

丁巳四月得之江吳秀峰秋岫本校於西湖蒙泉吳
本六壬有正集附集此在正集中而多所刪改非張
仙槎本書其壬學亦甚劣如銀河棹首重遁干而吳
本附注云伏干之說頭緒太多可以不用則全不識
作者苦心矣又陰陽二貴圖本先後天八卦見壬學
源於易象非術數小家可擬而辨月將法亦本河圖
生成之數爲最真乃一切刪去則仍同俗學而非銀
河棹矣可爲痛惜干旺爲五行自旺之氣吳本作十
干自旺之氣注云原本作五行此足徵鑄堂手錄者

爲原本而吳書爲改竄卽刑沖二字亦不解故書中
謬以沖爲刑其貽誤於人不淺然張本文字譌脫處
吳本徃徃不誤節取以校正文字斯爲棄瑕取瑜之
法時嘉慶二年四月十一日武進臧鏞堂識

四庫全書辨正通俗文字跋

己未季秋

文字之行要在不悖乎古而通於今俗人已已莫別
段段不分無論矣泥古者徃徃墨守說文以篆書隸
體爲漢魏唐宋以來絕無之作寓目驚人通經學古
者不免焉如神祇字偏旁作示穀艮字所从作皀此
惟說文篆體爲然若論隸書則自蔡中郎石經已改
而爲木改皀作艮試考魏晉以後碑帖五經文字開
成石經及玉篇廣韻宋槧諸本無不盡然可證泥古
者之無本矣某嘗有志裒輯以正俗書而通泥古之
失懼無所稟程蹈於不知而作之愆未敢也茲於友

人所得

四庫全書辨正通俗文字一冊校勘細致爲

武英殿原本恭繹斯編凡鄙俚太甚沿襲多譌者辨
疑正失極爲精確既足以訂世俗之謬而筆畫簡當
無繁重穿鑿之病而悉遵夫漢唐遺蹟又足以通泥
古之過如禪袷禕裸等皆以木不作亦鄉鄉既即等
皆从艮不作皂舉一可以例餘簡括得其體要洵足
爲同文之圭臬正字之模範矣年來此書流傳漸少
孰見者或未之貴因悉仍原本敬爲重刊庶家置一
編俾童蒙之習老而知守成人有德者亦不能越是焉

時嘉慶四年秋九月

題慈竹居圖

辛酉仲冬

余幼讀李虔陳情表至臣無祖母無以至今日祖母無臣無以終天年未嘗不涕泣隨之歎幼孤之人恃祖母成立者其交相倚賴如是吾友椒堂孝廉令祖葯房先生以被累繫蜀垂四十年迺放歸當其時先生令嗣薌圃君甫八齡祖母高太夫人實教養課學俾至成立命入蜀省覲既歸旋卒遺孤六人太夫人復教養課學俾皆有成立一如撫薌圃君時蓋三世恩勤祖孫撫字大母之劬勞甚矣椒堂天性篤孝事祖母如母今年應禮部試忽心動亟馳歸而太夫人

已長逝不可見哀痛之餘深自追悔爲一第遽失大
母未克視含斂以夙昔所寫慈竹居圖乞言述之泣
然慈竹居爲椒堂侍養之所手植脩竹於庭以况大
母貞苦之節而不忘慈愛之恩也去年夏余與椒堂
同寓武林節署即持圖乞言未有以應今復申前說
誼不可辭因書其交相倚重之端與報劉不盡之意
於徵言述略後以歸之嘉慶辛酉長至後三日武進
臧庸題於西湖詒經精舍

霜甫遺音書後

今海內有二孝子一浙江蕭山汪煥曾明府一江蘇
吳縣袁又愷上舍皆壽親以言句海內作者紀之勒
之石而鏤諸板其所以不朽其親者至矣二孝子皆
與鏞堂善鏞堂嘗爲袁孝子乞言於汪爲汪孝子乞
言於袁顧鏞堂與袁交十二年與汪交五年而庚申
爲汪作讀淇縣典史行述辛酉爲作兩節母事略并
命叔弟禮堂記雙節遺事於袁雖轉乞同志之作若
千篇實未嘗握管自造也又愷晤時則乘間言之鏞
堂遊於外則移書捉之然奪於他事未有以報命間

奮然欲爲又苦志未專壹心氣猶浮而止怠緩之愆不可聞於明府其何以對又愷乎憶辛酉壬戌二年校經杭州與明府交一月中手書往復者必至再至三明府年踰大耋多病然乞言必力疾作書不許子孫代反覆讀之字字淒楚孺慕動人則爲轉乞於吾鄉之人之言以娛之及癸亥棄儒就賈與兩孝子音問不通然清夜思之意未嘗不怛怛然動不自知其臭味之何以合也今來吳門與又愷聚首累日出示其已故師友手札若干通裝潢成帙把玩之下肅然起敬夫其於死友之蹟不忍置之爲什襲珍護之若

此而鏞堂與又愷交十餘年於其母之遺編不爲題識一語雖實以不文故其與有所吝而不爲者何以異爽然自失無以對又愷矣夫鏞堂文雖不工言或失實即無與於母節事又愷尚念其故交爲過而存之矧爲著言於其母節事之後又愷其忍廢之乎有子言孝悌爲人之大又愷事母孝故事兄悌交友信其能不忘亡母斯能不負死友歟然母之大節前人著志銘傳表者言之已詳鏞堂又不能爲歌詩諷咏其事而徒以與兩孝子交情事娓娓言之令作者見之得無哂其不文乎嘉慶甲子二月三日武進臧鏞

向在武昌制署與畢生蘭慶講史記因點勘孔子世家成年表一卷今來京師復與覺羅生桂菖談史記世家年表說多所補益余之言孔門事多散見拜經日記周秦名字解詰補等書覺羅生纂錄裒然成卷而此帙反增益無多漸成惰游之士可愧也矣時嘉慶甲子七月十一日臧庸用中良辰補訂率筆書此

○上錢莘楣少詹書

丙辰孟冬

臧氏

近讀史記孔子世家以定公十四年孔子年五十六攝相事齊來歸女樂孔子行此後人竄改之失也年表及魯世家俱作十二年當從之世家上言定公十二年夏孔子言於定公將墮三都至十二月公圍成弗克此序墮三都本末下復云定公十二年孔子年五十四由大司寇攝行相事此序孔子聞政去魯本末故覆提年紀淺人怪其重出因改下十二年為十四年五十四為五十六孔冲遠禮記正義小司馬史記索隱朱子論語序說所據皆同則唐宋以來本已

誤矣又孔子以定十二年冬去魯適衛主顏雝由居
十月去之則在定十三年未幾反衛主蘧伯玉當在
定十四年至定十五年衛終不能用孔子孔子遂去
衛適陳則居衛已三年矣故喟然歎曰苟有用我者
三年有成其中有過匡過蒲將適晉及過曹過宋過
鄭等事皆在去衛反衛間適陳之前適陳主司城貞
子至哀三年夏魯桓僖宮災時孔子猶在陳居陳已
三歲故有歸與之歎明年遂去陳而衛靈之卒在哀
二年正孔子在陳時也及厄乎陳蔡自楚反衛則在
哀六年衛出公輒四年至哀十一年冬自衛反魯時

孔子年已六十八矣故太史公於末總結之云孔子
之去魯凡十四歲而反乎魯自定十二年冬至哀十
定十四年去魯首尾計之太史公因居衛居陳時久
亦止十三歲與此不合矣事多說亦互異故並載而覆述之遂至三叙其事然
細審之有秩然不可紊者後人不諳文法誤讀世家
檀弓正義及論語序說皆於自楚反衛之前已有三
適衛三反衛三適陳三去陳之事遂以居陳三歲而
反乎衛爲亦在靈公時則誤甚矣孔子以靈公世居
衛三年在魯定十三四五年間而年表以十四年至
陳誤也此當因孔子世家有居十月去衛將適陳淺
人誤以爲實至陳而移改年表也年表陳湣

公六年孔子來當本在八年而陳世家亦云潛公六年孔子適陳陳昭王來救軍於陳父時孔子在陳蔡之間即陳湣公十三年魯哀公六年時孔子在陳蔡之間即絕糧年也三年表鄭聲公五年子產卒鄭與子產如兄弟云及五年鄭相子產卒子產為泣曰古之遺愛也兄事子產按子產卒如聲公五年魯定公十四年孔子過鄭去聲公七年哀公元年本不合據左氏則孔子過鄭者子產之卒已二十九年矣是當據左氏以正史記者也以潛公世居陳三年在魯哀元二三年間而年表以哀三年過宋誤也孟子云微服而過宋主司城貞子則過宋在適陳之前宋世家元年二十五年孔子過宋五當為三字之誤年表魯哀公三年孔子過宋桓魋惡之年次亦誤宋元公二十三年為魯哀公元年過宋過鄭遂適陳為一年事也此類考之孔子世家本合試質之閣下以為然否

臨海洪百里震煊云孔子於郊後去魯不脫冕而行魯郊以孟春是孔子在魯在定十三年春以為定十二年冬者誤也按明堂位帝位魯君孟春乘大路載弧韞旂十有二旒日月之章祀帝于郊注云孟春建子之月又雜記正月日至可以有事於上帝注云魯以周公之故得以正月至之後郊天是魯郊在夏正十一月孔子於定十二年冬十一月郊後去魯無疑舉此可正十三年春去魯之

行魯郊在夏正十一月孔子於定十二年冬十一月郊後去魯無疑舉此可正十三年春去魯之

說戊午
夏記

凌曙謹按公穀三傳皆作襄
公二十一年庚子孔子生今此作
二十二年信史不如信經也

庚戌 一歲魯襄
公二十二年庚戌孔子生
生而叔梁紇死家語云孔
子三歲而叔梁紇卒係依
少孤之文而偽撰
十二諸侯年表魯襄公三
十二年孔子生

甲寅 五歲
二十六年
為兒嬉戲常陳俎豆設禮
容按內則六年始教故
繫之五歲

乙卯 六歲
二十七年

丙辰 七歲
二十八年

丁巳 八歲
二十九年吳季子來觀周
樂

辛亥 二十三年

壬子 二十四年

癸丑 二十五年

十一歲

戊午 九歲

三十一歲 鄭子產論毀鄉校仲尼聞是語也曰以是觀之人謂子產不仁吾不信也杜云仲尼以二十二

庚申 十一歲

辛酉 十二歲

三年

昭公元年

壬戌 十三歲

癸亥 十四歲

甲子 十五歲

乙丑 十六歲

六年 闕里孔子年十六歲卒 歷年紀年存孔子十四歲妻懷年 譜從之今按世家序母卒孔子年十 七之前則闕里志近是據檀弓孔子 既得合葬於防先友門人後而其修 墓而來又孔子既祥吾彈琴而末 成聲十日而風箏歌似孔子年既長每 始卒并在二十四歲之外既無的年明 文姑附識於此

丙寅 十七歲

丁卯 十八歲

戊辰 十九歲

己巳 二十歲

七年孟僖子相公如楚病不能禮 冬十一月季孫病 武子卒平子代立孔子負且賤及長為季氏史料量平當為國職吏而畜蓄是 按孔子為委吏乘田不 能的知何年世家存於 季武子卒下因繫此

庚午 二十一歲

辛未 二十二歲

壬申 二十三歲

癸酉 二十四歲

十三年

十二年春齊高偃帥師

十年家語云九娶未之共官 一歲而生伯魚伯魚年十九孔子 卒 按論語伯魚之死與顏子相當 在孔子七十之年檀弓正義云鯉也死 未滿年則伯魚之生必在孔子年二 十外即娶官氏亦既冠後事非十 九而娶也魯官氏在魯安樂里見魯相 韓勣此孔廟禮器碑然則孔子娶於 魯非娶於宋也

凌曙謹按公羊昭十二年春 齊高偃帥師納北燕伯于陽 何邵公注時孔子年二十三 與三十二年孔子生乃合今作 二十二年孔子生遂參差一年 矣

孔子年表二

甲戌 二十五歲
乙亥 二十六歲
丙子 二十七歲
丁丑 二十八歲

十七年秋邾子來朝言
官制仲尼聞之見於知子
而學之杜注於是仲尼年
三十八沈文何云年三十
七

戊寅 二十九歲
己卯 三十歲
庚辰 三十一歲
辛巳 三十二歲

二十年齊景公三年狩會
要子從孔子對問秦穆公之霸
景公悅 衛齊約亂宗曾元
琴張將往弔仲尼止之杜云琴
張孔子弟子字子開名年左
傳昭公三十年鄭子產有疾謂
子太叔曰我死子必為政唯有德
者能以寬服民其政如猛疾
數月而卒太叔為政不忍猛
而寬及子產卒仲尼聞之出
涕曰古之遺愛也然則子產
之卒實在於定公八年左氏
三疾數月而卒在定公八年
史記以孔子之卒在魯定十
四年傳聞之誤

壬午 三十三歲
癸未 三十四歲
甲申 三十五歲
乙酉 三十六歲

二十四年春二月仲孫
獲卒服虔引賈逵云是歲
孟僖子卒屬其子使事仲尼
尼時年三十五 南宮敬叔言魯
君與孔子車馬適周禮自周反
于魯弟子稍益進老子送之曰聰
明深察而近于死者好議人者博
辯廣大危其身者發人之惡者也
全者毋以有己為人臣者毋以有己

丙戌 三十七歲
丁亥 三十八歲
戊子 三十九歲
己丑 四十歲

二十七年吳季子賜于
上國適齊長子死葬于泰
山縣孔子往弔觀其禮蓋
齊大夫欲害孔子景公曰吾老矣
弗能用也孔子遂行及魯
闞百詩亦云昭子五年甲申適
齊至丙戌復反魯

庚寅 三十二年

四十一歲

辛卯

四十二歲

三十二年公卒于乾侯

壬辰

四十三歲

定公元年左傳公之喪

癸巳

四十四歲

至自乾侯季孫葬于墓道
南孔子之為司寇也溝而
合諸墓

甲午 三年

四十五歲

乙未

四十六歲

丙申

四十七歲

丁酉

四十八歲

四年

五年

五年季平子卒桓子立
陽虎因桓子孟輕季氏陪
臣執國政魯大夫皆偃辭
故孔子不仕退而修詩書
禮樂弟子彌衆至自遠方
莫不受業焉

按陽貨欲見孔子當在
定公六七年間

戊戌 七年

四十九歲

己亥

五十歲

庚子

五十一歲

辛丑

五十二歲

八年費宰公山不狃不得
意于季氏因陽虎為亂敢
入于謹陽關以叛是時孔
子年五十一不狃以費叛使
人召孔子子欲往卒不行
其後定公以孔子為中都
宰

九年為中都宰一年四
方皆則之 檀弓夫子制
于中都四寸之棺五寸之
榔鄭云中都魯邑名也孔
子嘗為之宰為民作制孔
子由中都宰為司空由司
空為司寇

十年夏公詹齊侯于夾
谷孔子攝相事
由中都宰為司空由司空
為司寇
晏平仲卒
年表魯定公十年公會齊
侯于夾谷孔子相齊歸我
地

壬寅 十一年

五十三歲

癸卯

五十四歲

甲辰

五十五歲

乙巳

五十六歲

十二年仲尼為季氏宰將
墮三都費人攻孔子武子之臺下
仲尼命申句須費下伐之杜預云
仲尼時為司寇與聞國政三月大
治齊人歸女樂季桓子受之
郊祭不致膳孔子行適衛
主顏雠由 十二月公圍成弗
克
昔孔子儒效仲尼將為司寇沈猶氏
不敬朝飲其羊公頃氏出其妻與
費氏踰境而徒魯魯之粥牛馬者不
會攝相朝也而謀少正卯又孔子為
魯有父子訟者孔子拘之三月不別具
父請止孔子舍之一年表魯定公十年
齊來歸女樂季桓子受之九
子行

十三年衛靈公三十八年孔子來
并叙于此註也
年表衛靈公三十八年孔子來
祿之如魯
趙鞅殺士與夷在哀三年蒙
趙鞅晉亂遂不果事見左傳
過匡匡圍之 將適晉聞范中行伐

十四年仍反衛主遷伯玉鄭
子產卒鄭世家云孔子嘗過鄭與
子產為兄弟及聞其卒流涕曰古
之道愛也
按孔子適陳在陳潛公八年曾
哀公元年陳世家及年表自
在潛公六年此後人未改之夫太
史公本不誤
孔子適鄭與弟子相失孔子獨立
鄭東門鄭人或謂子貢云周則弟
子列傳云孔子之所嚴事于周則老
子于衛遂伯玉于魯曾安仲子
歷定先菜子于鄭子產于魯子西
公綽
按左傳子產卒在魯昭公二
十年以訖

當于十四年獲麟十五年子路
乃死也

壬戌 七十三歲
十六年夏四月己丑孔
子卒
年表魯哀公十六年孔子
卒

魯哀公二十二年孔
子生而叔梁紇死

二十七年六歲	二十八年七歲	二十九年八歲	三十年九歲	三十一年十歲子路 生
昭公元年十一歲	二年十二歲	三年十三歲	四年十四歲	五年十五歲
六年十六歲 閏子 騫生	七年十七歲	八年十八歲	九年十九歲	十年二十歲
家語云顏路少孔子 六歲	家語云顏路少孔子 六歲	語云漆雕開小孔子 十一歲		

十一年二十一歲

十二年二十二歲

十三年二十三歲

十四年二十四歲

十五年二十五歲

十六年二十六歲

十七年二十七歲

十八年二十八歲

十九年二十九歲

二十年三十歲冉雍

生商瞿生梁鱣生
家語冉有少孔子二
十九歲

二十一年三十一歲

二十二年三十二歲

二十三年三十三歲

二十四年三十四歲

二十五年九月公出

顏淵生宓不齊生高
子貢生

子羔生巫馬期生

奔三十五歲

二十六年三十六歲

二十七年三十七歲

二十八年三十八歲

二十九年三十九歲

三十年四十歲浴臺

榘遷生家語云原思
少孔子三十六歲

子生

三十一年四十一歲

三十二年公卒于乾

定公元年四十三歲

二年四十四歲有子

三年四十五歲子貢

侯四十二歲

公西華生

生

生

四年四十六歲子游

五年四十七歲曾子

六年四十八歲

七年四十九歲子張

八年五十歲

生顏幸生

生

九年五十二歲

十年五十三歲

十一年五十四歲

十二年五十五歲

十三年五十六歲

冉孺曹叡伯虔質是
年生

公孫龍生左傳仲
由為季氏宰將墮
三都

家語云叔仲會少孔
子五十四歲與孔璇
年相比孟武伯見而
問之

十四年五十六歲

十五年五十七歲

哀公元年五十八歲

二年五十九歲

三年六十歲左傳五

左傳邾隱公來朝子
貢觀焉曰三君皆有
死之五日公薨仲尼

曰賜不幸言中

月次南宮敬叔至命周
出御書林注孔子弟
子南宮閱秋季孫有
命立後事

四年六十一歲

五年六十二歲

六年六十三歲

七年六十四歲左傳八年六十五歲

公會吳太宰誣召季康子康子使子貢辭

九年六十六歲

十年六十七歲

十一年六十八歲

十二年六十九歲左傳

十三年七十歲顏淵死

魯子石請行於子石時年十六左傳齊師伐我冉求帥左師從遂為右季孫宿也弱有子曰孫用命焉杜預年少能命按是時邊已三正歲與眾約邊之齊軍杜以為魯人從家語也季孫欲以田賦使冉有訪諸仲尼

十二年六十九歲左傳吳子請尋盟公不欲使子貢對按伯魚當卒于是年

十四年七十歲

十五年七十一歲

十六年七十二歲

十七年左傳公會齊侯盟于蒙亞武伯自問于蒙高柴曰諸侯盟而誰執牛耳季孫告之武伯曰然則死也

十八年

十五年七十歲傳子路死於衛時年六十二左傳秋齊陳瓘如楚過衛仲由見之子服景伯曰季康子自齊為介衛侯季子將入過子羔曰聞矣弟及不踐其難季子曰食焉不飲其難季羔遂出子路入結纆而死

十六年四月己丑孔子交年七十二歲左傳公誅之子貢曰君其不沒于魯乎

十七年左傳公會齊侯盟于蒙亞武伯自問于蒙高柴曰諸侯盟而誰執牛耳季孫告之武伯曰然則死也

十八年

十九年

二十年

二十一年

二十二年

二十三年

二十四年

二十五年

二十六年左傳衛出公自城鉅使以弓問子貢曰吾其入乎子貢曰臣不識也按子貢此時蓋仕衛城鉅衛之近中邑

二十七年左傳越子使后庸來聘盟于平陽康子之病之言子貢在玉果及此武伯曰何不自之四月康子卒

二十八年

孟子先見梁惠王考一

（拜經日記）

孟子列傳云退而與萬章之徒序詩書述仲尼之意
作孟子七篇則孟子一書乃孟軻氏自著故章次并
井凡作孟譜及年表者皆當以此為據即以第一篇
梁惠王言之首書孟子見梁惠王是孟子始遊梁因
魏招賢故首見惠王也王立沼上章盡心於國章願
安承教章晉國英彊章皆統之矣繼書孟子見梁襄
王則惠王卒而襄王立故孟子第二見梁襄王凡居
梁二年次書齊宣王問是第三始見齊宣王也因襄
王即位望之不似人君故不久去梁適齊也齊桓晉

拜經日記

作孟子七篇則孟子一書乃孟軻氏自著故章次并
并凡作孟譜及年表者皆當以此為據即以第一篇
梁惠王言之首書孟子見梁惠王是孟子始遊梁因
魏招賢故首見惠王也王立沼上章盡心於國章願
安承教章晉國英彊章皆統之矣繼書曰孟子見梁襄
王則惠王卒而襄王立故孟子第二見梁襄王凡居
梁二年次書齊宣王問是第三始見齊宣王也因襄
王即位望之不似人君故不久去梁適齊也齊桓晉

文章論古樂章文王之圓章交鄰國章見宮章毀
明堂章王之臣章故國章湯放桀章為巨室章齊人
勝燕章取燕章皆統此矣次書鄒與魯閔穆公問是
孟子四見鄒公也蓋因齊宣不能用故去齊歸魯客
鄒穆公見而問之次書滕文公問間於齊楚是孟子
五見滕文公也文公為世子時之楚過宋兩見孟子
故即位聘至館於上宮齊築薛章竭力事大國章統
此矣次書魯平公將見孟子是孟子六見魯平公也
時孟子已七十餘歸老於魯是孟子之見諸侯實始
於梁惠王而終於魯平公平公之卒孟子年已八十

二再逾年而孟子亦卒故孟子書於平公稱謚據孟
子之見諸侯終於魯平公因以知孟子之見諸侯始
于梁惠王也孟子于齊宣稱臣田完世家言宣王喜
文學之士鄒衍淳于髡之後皆賜列第為上大夫不
治而議論孟子仕齊宣即在此時與齊湣王時為三
卿另一事史記列傳云道既通游事齊宣王宣王不
能用適梁梁惠王不果所言則見以為迂遠而濶于
事情則以孟子先游齊次適梁蓋誤六國表于魏王
三十五年大書孟子來王問利國對曰君不可言利
魏世家又書惠王三十五年卑禮厚幣以招賢者而

孟軻至梁若齊表及田齊世家則無其事。不果先遊齊次適梁則孟軻至當書于齊表及田齊世家以記其始不當反書于魏表。魏世家也以年表世家證之斷列傳為誤。試以列傳齊宣與梁惠字互易之則甚合。如云道既通游事梁惠王惠王不能用適齊齊宣王不果所言則見以為迂遠而關於事情蓋孟子道仁義而梁惠言利國是不能用雖有願安承教之言而他日又欲為死者雪恥矣。至與齊宣王言王道王因言吾惛不能進於是願夫子輔吾志明以教我我雖不敏請嘗試之繼而伐燕取之不能拯民水火謀

於燕衆置君而後去則於孟子所言仁術推恩發政施仁等固大相乖戾。此非不果所言見以為迂遠而關於事情乎。若以為宣王不能用則宣王固嘗用之為卿若以為梁惠王不果所言則孟子至梁踰年而惠王薨孟子猶在梁不應以不果所言責惠也。趙邠卿云孟子冀得行道故仕于齊齊不能用乃適梁蓋已據誤本史記又云建篇先梁者欲以仁義為首篇因言魏事章次相從然後道齊之事此說更誤如始見齊宣王則齊桓晉文章言王道列傳所謂乃述唐虞三代之德是也當以為篇首一也首說仲尼之後

無道桓文之事臣未之間此孟子私淑諸人願學孔
子平生志向所在列傳所謂序詩書述仲尼之意作
孟子是也當以為篇首二也如言仁術推恩發政施
仁治禮義等皆言仁義者當以為篇首三也乃皆不
以為篇首而獨以見梁惠王為篇首故孟子子始見
梁惠王也即以立國年次論之梁惠王立二十九年
齊宣王始即位古人四十彊而仕孔子四十不惑孟
子四十不動心見梁惠時孟子年方四十二不應四
十以前先見齊宣也齊宣王八年孟子去梁九年孟
子至齊十年宣王乘燕喪伐之取十城時孟子在齊
勸宣王謀燕衆置君知孟去是可證梁惠王死後始
見齊宣不得先見齊宣再適梁又去梁事齊三四年
間兩事齊宣僕僕於齊梁鄰魯間也





